

Mei 24, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

DOS PERSONA DI EDAD ENVOLVI DEN ACCIDENTE RIBA CAMINDA DI WESTPUNT



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



DIADOMINGO merdia pa mas o menos 12:30, Polis a haya informcion di un accidente cu un zonido basta fuerte. Esaki tabata riba e caminda di Westpunt.

Na yegada Polis a constata cu ta trata di dos auto, un Chevrolet Spark y un Honda Crv.

Ambos chauffeur a resulta herida, un mas cu e otro.

Chauffeur di e Honda cu ta un dama di edad, kende a ricibi un corta chikito na su man y tambe e Airbags ora di a sali a dal'e na su cabs.

Pero, e tabata ok y a baha cana.

Pa loke ta chauffeur di Spark cu ta un cabayero si a haya mas golpi. Ambulance a ser pidi y tabata na caminda.

Na yegada Paramediconan a atende n'e sitio cu e dama di e Honda.

Pa loke ta chauffeur di Spark e tabata keha di dolor na pecho.

Polis di Trafico a yega y tabata tumando dato di loke a sosode. Paramediconan a transporta e cabayero pa Hospital pa mas atencion medico.

Market Leader of Business Software in the Caribbean

Solutions for:

= exact

- Finance
- Wholesale Distribution
- Professional Services
- HRM, CRM and BPM

VCC


International NV

*Supports All Your
Business Activities & Processes!*

Tel. 583-7072 | info@vcc-int.com | www.vcc-int.com

Den futuro negociacion cu Hulanda riba COHO

Corsou y St. Maarten ta confía riba sosten di Aruba



DEN fin di siman, por a mira e futuro Prome Minister di Corsou. Pik Pisas y su famia banda di beachnan di Aruba. El a dicidi di tuma un break, después di eleccion na Corsou y formacion di su Gobierno cu ta cla, pero cu e candidatonan pa bira próximo Minister ta pasando den un screening riguroso. No solamente Pik Pisas kier ta testigo di recuperacion di e industria turistico di Aruba, pero kier a haya un bista di e forma cu partidonan politico ta campanando, cu na su opinion ta totalmente diferente.

Pisas ta di opinion si, cu e futuro Gobierno mester ta di acuerdo cu deseo di pueblo, esta no ta cuestion di forma coalicion cu un partido grandi, y cu algun chikito. Si e partidonan grandi, saca e cantidad di votonan, manera pueblo ta desea, ta nan t'e prome yamanan pa forma Gobierno.

Asina so Aruba lo por haya un Gobierno cu ta cumpli cu deseo di pueblo. Ban wak si tin e madurez aki.

Según Pik Pisas awe e lo haci un bishita di cortesía cerca Prome Minister Evelyn Wever Croes, unda lo e kier plantea e deseo pa forma un bloke ora cu bay negocia e landenpakket di COHO cu Hulanda.

Pisas a duna di conoce cu St. Maarten y Corsou lo uni den dicho deliberacion y e deseo ta pa Aruba tambe forma parti di e bloke aki. Maske cu Gobierno di Aruba ta demisionario, semper y cuando su Gobierno por expresa tog su deseo y asina forma un bloke fuerte entre Corsou, St. Maarten y Aruba. Esaki t'e deseo di e futuro Prome Minister di Corsou, Pik Pisas. Awe tardi mes e ta pensa di bolbe Corsou después di a pasa un rato agradabel den compania di hopi amigo cu e tin na Aruba.

Partidonan chikito anunciando ministerio cu nan lo pidi si drenta Gobierno

Campaña electoral 2021 ta den pleno desaroyo caminda tur partido ta bishitando cas, haciendo nan campaña den diferente forma tratando di haya e sosten cu nan ta spera di haya di e pueblo votador.

Un punto cu a resalta den ultimo dianan ta cu tin politiconan cu ta hibando nan pensamiento y nan deseo pa nan partido, na votadornan sperando cu nan lo gana nan confiansa y sosten p'e eleccion di dia 25 di juni proximo.

Falta cinco siman pa eleccion tuma lugar y por mira cu ainda tin partido cu ta trahando riba nan programa di gobernacion y otro aspectonan, pero ta bisto caba cu mayoria di e 10 partidonan chikito, ta luchando duro pa por logra un representacion den Parlamento.

AWEMainta ya caba a yega di muestra cu ora cu analisa e 12 partidonan cu ta participando den e proceso electoral, 10 di nan na momento di entrega nan lista, ta pidi pa un cambio di e dos partidonan grandi cu ta AVP y partido MEP, pero nan cambio realmente ta un cambio den cual nan mes ta limita nan mes den un posibel participacion den un Gobierno di coalicion.

Ningun di e 10 partidonan aki a haci un esfuerso pa trata di haya un mayoria den Parlamento of un cantidad di asiento significativo y aki ta caminda e mentalidad politico di e grupo aki, ta manifesta nan mes pa bira un asina yama "yabi" den un posibel Gobierno di coalicion manera cu Aruba a conoce ultimo periodo di gobernacion.

Un pensamiento y mentalidad cu no ta nifica ningun cambio den e tradicion politico, caminda esnan chikito kier impone riba e dos partidonan grandi, c'un minimo di representacion den Parlamento. Mirando kico a sosode den ultimo periodo di gobernacion, e pensamiento aki den e situacion den cual e pais ta n'e momentonan aki, no ta un pensamiento positivo ya cu lo surgi mesun tipo di gobernacion caminda un of mas partido chikito, lo por hunga e rol di partido clave caminda nan lo influencia henter e proceso di gobernacion den un forma cu simplemente no ta yuda desaroyo di e pais cu algo positivo.

Remarcabel ta cu den varios di e bishitanan na cas di votadornan, algun a dicidi di expresa hasta ki ministerio nan lo exige si nan forma parti di un Gobierno di coalicion y esaki sin duda ya caba ta muestra e mentalidad caminda e chikitonan ta kere cu nan tin mas poder cu partidonan cu pueblo a duna un sosten grandi pa dirigi e pais.

Loke ta mas notabel t'e hecho cu nan no ta pidi ministerionan caminda nan responsabilidad lo no influencia decisionnan grandi cu e proximo Gobierno tin cu tuma, con pa cambia rumbo di e pais cu a deteriora formalmente den e ultimo periodo di gobernacion.

Den varios grabacion cu AWEMainta a ricibi di politiconan cu ta bishitando cas of ta tene reunion di contacto, por a scucha cu e ministerionan cu nan ta bay exige pa haya, ta entre otro dos lo bay pa enseñansa, dos pa ministerio di infraestructura y uno lo exige ministerio di turismo.

Ningun ta anhela e cartera di finansa, caminda e trabou mas grandi ta sinta, ningun a menciona ministerio di asuntonan social caminda tambe tin trabou grandi pa haci of ministerio di economia y di labor, ya cu eynan ta bay sinta e trabounan di mas grandi p'e proximo Gobierno di pais Aruba.

Mescos cu ta papiando hopi di cambia e sistema di votacion, cambia e sistema di conta votonan, lo no ta mal idea pa determina cu anterioridad ki cartera un partido chikito cu ta logra un of dos asiento, lo por carga responsabilidad pa esakinan y ta ministerionan aki no por ta di gran responsabilidad manera pueblo a conoce den ultimo tres aña y mey.

Na momento cu scucha of mira e mentalidad aki di algun politico, e ta confirma loke AWEMainta a muestra despues di entregamento di listanan luna pasa, esta cu tin 10 partido chikito cu ta buscando un cabey'i boto pa drenta Gobierno, pero sin cu nan tin e sosten masal di e pueblo votador.

Mientras partido MEP kier bagatalisa e berdad aki

Un hecho cu lo kita trahadornan publico y reduci beneficianan secundario ainda mas

TANTO CFT como Gobierno di Reino, tin acuerdo y palabracionnan haci cu Prome Minister demisionario Evelyn Wever Croes, cu mester bay over na manda un grupo grandi di trahadornan publico cas p'asina alivia e costo di personal, cu bou di Gabinete Wever Croes, a sigui aumenta den forma sin precedente.

No solamente esey, pero ta un hecho concreto tambe, cu ainda tin cu tuma medida relaciona cu beneficianan secundario di trahadornan publico caminda inicialmente Prome Minister Wever Croes y su Gobierno, a papia cu e sacrificionan cu trahadornan publico tin cu haci como muestra di solidaridad cu esnan den sector priva cu a perde nan trabou lo ta algo “temporal”, pero cu despues a wordo converti den e asina yama “voor onbepaalde tijd.”

Secretario di Estado Raymond Knops a insisti cu esaki t'e caso ya cu ta asuntonan cu Prome Minister Evelyn tambe a sugeri den reunionnan cu Gobierno Hulandes y cu CFT, pero for di algun tempo caba, Hulanda a ripara cu Gabinete Wever Croes, no kier cumpli cu puntonan cu nan mes a sugeri y a bay di acuerdo cu nan tambe.

Ta for di 2018 den e famoso protocol firma pa Evelyn y Xiomara Maduro, a sigura Hulanda cu lo tin cu reduci e aparato gubernamental cu retiro di entres 150 pa 200 trahador y e punto aki nunca a cambia y caminda e unico diferencia tabata cu Gabinete Wever Croes nunca a cumpli cu e acuerdo aki cu Hulanda.

Pues ta facil pa bin dilanti y contradeci publicacionnan di AWEMainta, pero ta un hecho cu esaki lo sosode, pero a base di maniobranan politico, ainda e medidanan aki no a wordo implementa, pero lo yega e momento cu esakinan tin cu wordo introduci.

Ta for di luna di maart ultimo, cantidad di e medidanan aki mester a drenta na vigor, pero pa Prome Minister demisionario Evelyn Evelyn Wever Croes, no tabata e mihor momento pa introduci e medidanan aki, mirando cu ta aña di eleccion y esaki lo ta un sla formal pa su partido MEP. Fecha di e medidanan aki a wordo cambia mirando cu ta trata di un Gobierno demisionario, pero ya caba tin otro fechanan riba mesa pa nan wordo introduci y tur cos ta muestra cu ta un otro Gobierno lo tin cu implementa e medidanan aki y aki e lider di partido MEP ta mira esaki como un bentaha politico pa su persona y su partido.

Hecho lo keda cu ta su persona den calidad di prome mandatario, a firma e acuerdonan aki cu Hulanda, sin nunca a hiba dialogo cu instancianan involvi manera sindicatonan di trahadornan publico of otro instancianan cu tambe ta hunga un rol importante den e proceso aki. Ya caba den pasado Gobiernonan di MEP a yega di ‘vries’ beneficianan secundario di trahadornan publico manera entre otro vakantiegeld y pago di indexering, cu tambe a wordo gevries pa un periodo cortico, pero nunca mas e re-introduci esakinan pa e trahadornan publico.

A dura te na momento cu Gabinete Mike Eman I a subi na poder cu a bolbe atende cu e asunto aki y a restaura loke Gobierno di MEP a kita for di trahadornan publico, loke n'e momentonan aki ta mesun situacion cu tin. Ultimo lunanan Gabinete Wever Croes legal y demisionario a trata di reduci e gastonan den otro forma, pero ningun a duna e resultado cu tabata aceptabel tanto pa CFT como Gobierno di Reino, kendenan tin problema grandi cu lider di MEP p'e atene su mes na palabracionnan haci.



AWEMainta

Prome Minister integro ta mishi cu proceso di investigacion

Den intento pa scapa loke ainda por scapa di un amigo politico y ex politico



FOR di momento cu Prome Minister Evelyn Wever Croes a bay bishita Gobernador cu e apelacion pa yuda su persona baha Minister Marisol Lopez Tromp como titular di infraestructura, tabata bisto e intencion tras di henter e asunto aki.

Pa colmo net su persona a dicidi cu e lo bay atende e ministerio aki di infraestructura, mientras cu en realidad e no tin nocion di kico esaki ta come y bebe, pero a bolbe demostra loyalidad na su ex partner di coalicion, ex lider di POR.

Ex Minister Lopez Tromp den sala di Parlamento a confirma na Parlamento cu tin cosnan incorrecto y ilegal a tuma lugar den cantidad di asunto pa loke tabata e maneho di e ex Minister di Infraestructura Otmar Oduber y cu su persona a pidi pa un investigacion caba tuma lugar.

Lider di MEP for di tempo cu el a asumi responsabilidad di e ministerio aki, NUNCA mas a menciona e caso aki, solamente a bisa cu mester permiti husticia cana su curso y cu e caso ta bou di investigacion.

Sinembargo den un comunicado di prensa siman cu a pasa, Booshi Wever candidato riba lista di partido UPP, ta mustra cu e lider di MEP a dicidi di mishi cu e invesigacion andando y a ordena pa pasa henter e asunto di incinerator bek pa DOW, apesar cu a tuma

lugar caba un destaho bou di man caminda a otorga e proyecto na un amigo y sponsor di partido POR.

Pues aki un biaha mas por mira con net un Prome Minister cu a papia y papia di integridad, kende a baha su Gobierno pa motibo di integridad, ta manipula cu cosnan di husticia y ta mishi cu algo cu t'asina esencial den henter e proceso di investigacion di e incinerator. No solamente ex Minister Marisol a manda pidi un investigacion, pero Booshi Wever tambe a entrega documento na Ministerio Publico relaciona cu cosnan cu no a cana nan caminda legal pa loke ta destaho bou man permiti pa ex Minister Otmar Oduber.

Cosnan no a cana e caminda corecto, e caminda legal, tin dos peticion pa investigacion y awor un Prome Minister demisionario, cu tin cu atende solamente cosnan coriente, ta dicidi di bolbe traspasa henter e asunto di incinerator bek opa DOW, cual departamento tambe ta involvi den henter e destaho bou di man cu a tuma lugar.

Cosnan hopi serio a tuma lugar, pero lider di MEP ta bolbe confirma cu su persona y su Gobierno no tey pa sirbi pueblo, pa defende interes di pueblo, pero nan tey pa sirbi interes di nan hendenan, di nan amigonan y di nan sponsornan y nan ta dispuesto pa sconde pa otro y na mes momento laba man di cualkier tipo di situacion incorrecto cu su Gobierno a experencia.

Ta lanta e pregunta un biaha mas mescos cu Booshi Wever di UPP tambe ta puntra su mes, di con lider di MEP ta trata na saca e ex lider y ex fundador di partido POR di e forma aki?

Lo tin mas cos tras di henter e gesto di sosten aki? Tin cosnan di sconde di ambos banda of nan sa cosnan di otro cu no ta mucho bunita y awor ta usa e carta fuerte ey pa trata di scapa culpa.

Hecho ta cu e lider di MEP cu semper ta papia di gobernacion integro, ta cometiendo un barbaridad tras di otro sin tuma na consideracion si e decisionnan aki ta sirbi interes di pueblo di Aruba.

Di acuerdocu Robeet Candelaria

Polis y Brandweer den necesidad grandi pa material: Uza e placa di scanner aki

SIN material esencial, no ta posibel pa servicionan clave di Gobierno duna e servicio basico na pueblo. Esaki mester keda prioridad pa funcionamiento di servicio den diferente Departamento di Husticia, ta locual cu Parlamentario Robert Candelaria a vocifera.

No ta solamente frustracion pa falta di liderazgo, pero tambe falta di atencion total di e mandatario durante su cargo a pone cu diferente Departamento di Husticia a mira un deterioro y decadenecia grandi pa casi 4 aña caba.

Na varios ocasion a hala atencion di e mandatario, a duna sugerencia y presenta solucion na un sin fin di obstaculo cu a presenta y cu a haci e trabou y e servivio cu tin cu brinda n'e comunidad, practicamente imposibel.

Awe nos ta mira con e situacion a keda bay atras te n'e punto cu ta bira un peligro tanto p'e funcionario como e pueblo mes. Departamentonan no por brinda ayudo, dor cu e sistema no ta funciona. Un reto nobo cu a presenta su mes ta awor Polis no tin ni aceso mas na nan computers pa traha mutatie y proces-verbal. Mester warda turno pa haci uso di e poco computer cu ainda ta funciona, poniendo mas presion y reduciendo e ora cu nan por ta haciendo nan trabounan.

Igualmente a boga for di hopi tempo caba pa duna prioridad na ekipo di Brandweer cu ta den gran necesidad. Ta un esfuerzo enorme ta haci pa continua e trabou diario, mientras nan ekiponan y material basico y esencial ta den nan ultimo fase di existencia. Ta un riesgo grandi ta core cada biaha cu mester subi caya tanto p'e personal como e situacion cu nan tin cu enfrenta.

Por a tuma nota cu e mandatario, sosteniendo e gobernacion demisionario, a purba di inverti den un capital cuantioso pa un aparato di scan den eleccion benidero. Un placa cu no tabatin hustifica pa gasta y cual lo no a haya sosten pa pasa.

Nos ta spera cu e suma cu kier a aloca p'e proyecto robes aya, awor por wordo aloca den material esencial manera computer pa Polis y ekipo pa Brandweer cu awor tin mester di dje den Cuerpo Policial y den Cuerpo di Bombero.

E apelacion ta bay un biaha mas na Andin Bikker como Minister encarga, pa pone prioridad n'e caminda corecto y haci uso di entre otro fondo cu nan kier a uza pa e machin di scan, pa hinca esaki mesora den computer y matetial den e Departamentonan di Husticia cu ta den gran necesidad.



Guarda nos Costa:

Cu mas autoridad y capacidad pa brinda mas ayudo GNC a conoce adelantonan substancial bao guia di Minister Bikker pa reenforza nos fronteranan



RECIENTEMENTE Minister di Husticia, Siguridad y Integracion, mr. Andin Bikker a entrega diploma na un grupo di trahador na Guarda nos Costa. Ta trata aki finalisacion di un trayecto largo di curso pa bira “Buitengewoon Agent van Politie”. Un grupo di seis trahador a haya e status special aki, cu ta duna nan mas autoridad pa actua como un Polis extraordinario, pero trahando den Guarda nos Costa especificamente riba control di costa y di ciudadanonan sin un permiso legal di estadia of di trabou riba nos isla.

Hefe di Guarda nos Costa, Richard Kramers, tabata masha contento ora di entrega e diplomanan aki den presencia di Minister di Husticia, cu a sostene e cursonan aki y a haci posibel cu seis trahador awor ta conta cu e autoridad necesario. Ta trata aki di D. Arends, M. Williams, R. St. Jago, G. Delaney, V. Henriquez y J. Martina.


Minister Andin Bikker a enfatisa durante su discurso cu e ta bandona e puesto cu un sentido di orguyo grandi den su curason, di tur locual a logra p’e departamento aki. E ta corda den ki estado el a hered’e na 2017 ora di asumi e funcion. Mester a traha duro pa finalisa e aspectonan huridico pa haci e grupo un departamento formal.

E pandemia no a bin pa yuda tampoco, pero cu sosten adicional di Gobierno di Hulanda, a logra yega na extra fondo pa por a adkiri mas ekipo p’e departamento, a logra drecha e facilidad na aeropuerto y esun na unda antes Huis van Bewaring tabata situa na Dakota. A logra cu por a introduci entre otro un uniform nobo p’e trahadornan, autonnan nobo, mobilofoon, a cambia e Toelatingsbesluit pa cu e retonan regional, y a zorg pa curso adicional pa nan ta mihor prepara p’e aumento di casonan di ilegalnan cu ta subi tera na Aruba.

Y den cuadro di por brinda asistencia necesario na tur momento, a prepara un curso special di “eerste hulp bij ongelukken” facilita dor di Rode Kruis Aruba. Un total di 47 empleado a pasa e curso aki cu exito pa cual a ricibi nan certificado oficial di Cruz Cora Aruba, den presencia di Minister Andin Bikker. E ultimo aki a felicita tur e empleadonan y a expresa su deseo di sigui mira tur progreso, sigui mas curso, sigui mas proceso di capacitacion, pa por crece den e trabou aki.



Dama chauffeur manehando bou influencia a causa accidente na Paradera



Diabierna algo prome cu mey anochi a sosode un accidente riba e caminda di Paradera, un poco mas pabou unda antes tabata Pacifico Bar/Restaurant. Tabata trata di dos auto Hyundai y ambos auto tabatin dama como chauffeur. Un di e damanan a resulta levemente herida, despues di e impacto.

E accidente a sosode momento cu un Hyundai bayendo direccion Piedra Plat a hala na su man robes y ta dal na banda di e Hyundai bayendo direccion di MFA Paradera.

Chauffeur di e Hyundai bayendo direccion MFA Paradera t'esun cu a resulta herida. Tire banda robes a wordo ranca por completo dor di e Hyundai bayendo direccion Piedra Plat.

Polis na su yegada a constata cu e dama cu a causa e accidente ta bou influencia y a bise su derechonan y cu a ta wordo deteni pa core auto burachi.

Mientrastanto ambulance tabata yegando di banda di pabou pa atende cu e chauffeur herida, cu a keda den auto sinta.

Paramediconan na yegada a papia cu e chauffeur herida y a splike kico nan ta bay haci pa sake di e vehiculo.

Despues cu el a wordo saca nan a pone den ambulance y a sali direccion Hospital pa un control mas extenso.





Fresco Tur Dia





HABRI TUR DIA DI 6:00AM-6:00PM

YAMA NOS: 5821915

**Guyabastraat #4
Dakota**



NA april 2008, e Procurador General (PG) interino di e tempo ey a dirigi un carta na Presidente di Parlamento di Aruba. Eyden el a muestra den cuadro di e caso penal di Fondo (Desaroyo Nobo San Nicolas) riba e cantidad di violashon di ley di Comptabilidad (CV), cu ademas tabatin caso di falsificacion. Como consecuencia, di tur e veredictonan tabatin uno tambe pa motibo di no a realisa un destaho publico cu riba dje tabata falta un resolucion ministerial.

REGLA Y EXCEPSHON

Segun articulo 25 di CV 'por otorga un trabou, suministro of servicio di cual e gasto calcula ta suma na Afl. 100.000,- of mas, solamente si un destaho publico a tuma lugar'. Motibo di esaki ta pa duna comerciante un oportunidad husto y alabes pa realisa e mihor prijs pa pais. Articulo 26 ta duna cuater posibilidad pa desvia di articulo 25. Den e casonan ey mester tuma lugar un destaho no-publico of mester otorga e proyecto cu contractashon directo. E Ministro concerni ta determina den e dos casonan aki completamente independiente ta ken e ta duna e proyecto. E resolushon ministerial mester clarifica pa ki motibo a scohe p'e forma diferente di destaho.

CONCLUSION DI CONTROLERIA GENERAL (CG)

Segun CG, desviashon di e stipulashonnan di articulo 25 sa pasa regularmente. Pero hopi biaha no sa formalisa nan den un resolushon ministerial of sa haci'e despues di e echo. For di investigashon di CG ta resulta cu tur dos partido grandi a haci nan mes culpabel n'esey.

DESTAHO, UN ASUNTO DI 'NOS CU NOS'?!

Pa: Armand Hessels

Segun Ministerio Publico (MP), e ausencia di un motivashon (drechi) por ta un violashon di CV, cu ta indica como delito segunCodigo Penal. Segun MP, e practicanan aki por tin consecuencia perhudicial pa caha di Gobierno, ta trata posiblemente di competencia inhusto, ta viola transparencia den maneho di Gobierno y por surgi 'fenomeno indesea'.

PRECUPASHON DI MP

E analisis di e gran cantidad di excepshon riba articulo 25 di CV cu clarificashon deficiente den e resolushonnan ministerial ta preocupa MP masha, specialmente pasobra tabata trata frecuentemente di proyecto den cual hopi placa tabata envolvi. Como cu MP en principio no ta inicia persecushon tanten cu e delito cometi den funcshon publico no ta den combinashon di un 'delito comun' (manera robo of estafa), no sa entama un investigashon di e eventual delito cometi den funcshon publico como tal.

Pesey e PG di e tempo ey a tuma e iniciativa pa motiva Parlamento pa entama un investigashon di e practicanan aki. Pasobra Parlamento mester vigila 'e ehecushon corecto di autoridad di Ministro cu CV a dun'e'. Tal investigashon ta na beneficio di un uzo eficiente di placa di pueblo, mescos cu competencia husto, transparencia den maneho di Gobierno y combatimento di 'fenomeno indesea'.

RECORDASHON Y REPRIMANDA

Despues di dos luna cu no a ricibi ningun reacshon di Parlamento, e PG interino a manda un carta recordatorio cu e pregunta si a ricibi su prome carta y den caso positivo, cual t'e reacshon. Pero Parlamento no mester a contesta e preguntanan dificil aki pa motibo di e reprimanda di e sucesor di e PG en cuestion. El a plantea cu 'den cuadro di e separashon di poder (Trias politica) como principio den un estado di derecho no ta corecto cu di parti di MP ta purba motiva

Parlamento na un eventual ehecushon di e autoridad menshona'. Asina e asunto a caba y ningun hende mas a menshona posibel infracshon (penal) di articulo 25. Di e manera aki 'politica' a mantene su campo liber y Parlamento por a sigui recrea.

NEGOSHI


Ta un secreto publico cu sa otorga proyecto tambe a base di patronahe politico y e modelo di negoshi di "politica" na amigo politico y financiador di campaña, evadiendo e reglanan di destaho. Como cu esakinan por exihi cualke prijs sin ningun tipo di competencia, pais (pueblo!) mayoria di biaha ta paga (hopi) mas di lo necesario. E balor adishonal ta cubri (mas cu suficiente) e contribushon na campaña y/of sa 'reparti honestamente' entre e gobernante concerni y e comerciante. Como cu e ' practica di destaho' aki a tuma lugar durante decada, sin ningun duda Aruba a perde hopi miyon!

PROMESA BASHI

E pregunta ta pakico Parlamento no a haci ningun esfuerso pa defende interes di e pueblo votador. E contesta ta simpel: Tanten cu Ministro y Parlamentario ta procedente for di mesun partido, ta trata di conflicto di interes. Pesey Parlamentario no lo haci nada pa dificulta nan gobernante. Al contrario: nan ta proteh'e ferozmente contra tur atake.

Como tal, Parlamento ta comporta su mes ya caba pa decada como complice di gobernante cu structuralmente ta negligisha stipulashon di ley pa enrikece su mes na un manera 'legal', pues cu aprobashon di Parlamento. Aparentemente e ganashi t'asina atractivo cu promesa pa mehorashon ta keda...promesa. Mescos cu tabata e caso cu e Ley di Financiamiento di Partido Politico cu a aproba apenas recien despues di casi 30 aña di cuantioso promesa ripiti, pero di tal forma cu e ta completamente deficiente/inutil.

Homber grandi cu mal intencion a acerca un hobencita di 14 aña



Diasabra den careda di 5'or di atardi, presencia di Polis a wordo pidi na un adres den Mozarstraat, pa un homber, kende a acerca un hobencita di 14 aña cu menos bon intencion

Na yegada di Polis no tabata tin niun hende, un rato despues un señora cu algun mucha chikito a yega y e señora a bisa Polis kico a caba di sosode cu un di e muchanan aki, di 14 aña.

E hobencita a conta Polis cu un homber grandi un poco bruha, lo a acerk'e y a cuminsa papia cu ne. E homber a bis'e p'e bay den auto cu ne, e hobencita dimes no a bay cu e homber.

Testigonan cu e mira e homber cu menos bon intencion aki, papia cu e hobencita, mesora a bati alarma y lo a bisa Polis cu e homber bay direccion di Citgo Oranjestad. Polis a bay direccion di Citgo Oranjestad, aki a topa cu un persona, kende a duna Polis mas informacion con e homber tabata bisti, cu un carson preto, flanel blauw shinishi y cu un bril di solo. E homber ta pelon y lo a ta un usado di droga. Polis a sigui patruya den e area pa mira si nan lo por topa cu e homber aki, pero sin resultado.



EXECUTORIALE VERKOOP

Ten overstaan van notaris mr Chamila Agnella Tromp of haar waarnemer zal op VRIJDAG 2 JULI 2021 om 10:00 uur 's-morgens in het auditorium van de Kamer van Koophandel te Aruba, J.E. Irausquin Boulevard 10, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

CAYA G.F. BETICO CROES 74-74 A

een winkelpand staande op een perceel eigendomsgrond groot veertig vierkante meter (40 m²), gelegen aan de Oude Schoolstraat in Aruba, kadastraal bekend als Eerste Afdeling Sectie A nummer 665, tezamen met een perceel eigendomsgrond groot vierhonderd twintig vierkante meter (420 m²), gelegen aan de Caya G.F. Betico Croes in Aruba, kadastraal bekend als Eerste Afdeling Sectie A nummer 664.

inzetprijs: Afl. 830.000,--

CAYA G.F. BETICO CROES 61-63

een winkelpand staande op een perceel eigendomsgrond groot driehonderd negentig vierkante meter (390 m²), gelegen aan de Caya G.F. Betico Croes in Aruba, kadastraal bekend als Eerste Afdeling Sectie A nummer 197.

inzetprijs: Afl. 815.000,--

INZETPRIJS INDIEN WORDT GEBODEN OP BEIDE REGISTERGOEDEREN GEZAMENLIJK: AFL. 1.599.000,--

- Een onherroepelijk en onvoorwaardelijk onderhands bod kan worden uitgebracht tot uiterlijk donderdag 17 juni 2021.
- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren en te laten identificeren en middels een bereidheidsverklaring, een bankgarantie of andere vorm van zekerheid te tonen aan de executant in staat te zijn tot nakoming van zijn bod en de bijkomende kosten.
- De executant behoudt zich het recht voor de executie veiling uit te stellen dan wel op te houden zonder daarvoor de reden te noemen.
- Op de veiling zijn van toepassing de Algemene Veilingvoorwaarden voor Executieveilingen (AVVE) en de bijzondere veilingvoorwaarden welke zijn vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar: AUCTION@NEWLEAFARUBA.COM

VOOR MEER INFORMATIE ZIE ONZE WEBSITE:

www.newleafaruba.com

A lansa Caribbean Shark Coalition (Koalishon Karibense di Tribon) pa

Promové Training, Impakto, i Kolaborashon den kuadro di protekshon di tribon den Region di Karibe Amplio



PHILIPSBURG – [Dutch Caribbean Nature Alliance \(DCNA\)](#) ku [Beneath the Waves \(BTW\)](#) a lansa [Caribbean Shark Coalition](#) (CSC) (Koalishon Karibense di Tribon), un plataforma inovativo nobo, pa trese stakeholdernan, investigadónan, Gobièrnunan i dunador di fondonan huntu pa kolaborá ku otro di manera mas mihó i pa ampliá e impakto di siensia i di maneho den hinter e region di Karibe Amplio. Den e koalishon tin representashon di 45 miembro nobo di NGO, Gobièrnu, i empresa lokal di 24 pais, ku formalmente a bira miembro di CSC pa krea kapasidat den seno di investigashon, maneho i esfuerso di edukashon p’e espesienan menasá akí den e region.

E region di Karibe ta hunga un papel importante den oumentu di e meta global di protekshon di 30% di oséanonan di mundu na 2030. Bou di e vishon akí, CSC tin tres meta primario marká, ku mester alkansá pa medio di trabou di kolaborashon i proyektonan di miembronan di CSC.

Na di promé lugar, CSC lo promové kolaborashon den investigashon di tribon ku chuchu, maneho, i krea kapasidat pa konservashon bou di stakeholdernan, i proveé oportunitat pa traspaso di konosementu i síntesis di dato. CSC ta bai trata tambe di eksplorá formanan pa logra protekshon ku ta krusa frontera di manera ku ta salvaguardiá salubridat pa temporada largu di e populashon di tribon ku chuchu di un manera mihó.

Finalmente, CSC tin komo meta promové un futuro duradero p’e espesienan akí i e komunitatnan di hende ku ta dependé di nan, dor di krea kompromiso entre empresanan, stakeholdernan i korporashon priváan lokal.

“Esaki ta un momentu históriko pa esfuersonan di konservashon di bida marino den Karibe,” Tadzio Bervoets, Direktor di DNCA i un miembro di e tim fundadó na CSC ta bisa. “Nos a propagá protekshon di bida marino den e awanan akí, komo ku nos ta na altura ku e yagdónan akí ku ta na tòp di e kadena nutritivo ta trese konekshon entre ekosistemanan, refnan, peska i nutrientenan den Zonanan Ekonómiko Eksklusivo. CSC lo yuda nos pa haña i atendé ku e burakunan importante den konosementu di tribon ku chuchu den region i pa sostené proyektonan di investigashon den kuadro di kolaborashon.”

Dr. Austin Gallagher, Sientífiko Mayó di Beneath the Waves, ta kompartí: “Den kurso di añanan nos a konosé asina tantu stakeholder di tur parti di e region ku ta ekspresá nan interes den haña embolbimentu den investigashon òf edukashon básiko tokante tribon, pero e falta di rekursu òf ekspertisio tékniko òf operashonal tabata limitá nan di tuma akshon. E ta agregá: “Nos ta spera ku e Koalishon por tin un papel den kreashon di e entidat amistoso, abierto, i ku ta duna sosten manera e bosnan akí tabata buskando.”

E miembronan di CSC ta representá un kolekshon di ekspertonan for di seno di NGOan, komunitatnan lokal, organisashonnan intergubernamental i gobièrnunan, akademianan i institutonan di maneho, ku empresanan lokal ku ta traha huntu pa promové e estudio i konservashon di tribon ku chuchu, ku ta haña den e awanan di Karibe Amplio. CSC lo bini ku training ku ta krusa disiplina, investigashonnan den hinter e region, i lo fasilitá fondo na proyektonan di miembronan di CSC.

CSC lo representá e interesnan i metanan di su miembronan i mas amplio di espesienan di tribon ku chuchu di Karibe na Nashonnan Uní (UNEP-CEP i e Sentro Regional di Aktivitat pa Protokòlnan di SPAW di e Konvenshon di Cartagena), IUCN-Caribbean, CITES, CMS, CBD, i demas reunionnan internashonal.


Pa mas informashon bishitá www.caribbeansharks.co

(Foto credit: Sami Kattan (all rights reserved))

Chito Dirksz ta sigui mete du husticia



Diadomingo, algo prome cu 1'or di merdia, Polis ta wordo manda Klipstraat pa dos persona un bisti na berde cu lo a comete ladronia di tubonan di koper. Mesora algun patruya di Polis a bay den Klipstraat y otro patruya cuminsa busca e persona bisti cu flanel berde.



E patruya cu tabata buscando, patras di caya den Elleboogstraata bin topa cu e conocido adicto ambulante Chito Dirksz. E tabata bisti na berde y tabata cuadra cu e descripcion. Chito no tabata tin nada den su man, ora e patruya a sigui busca banda di unda nan a mira Chito Dirksz, patras di un negoshi nan a bin topa cu tubonan di koper.

Probablemente Chito lo a bay sconde e tubonan di koper patras di e negoshi, un rato prome cu Polis a mir'e. Un rato despues un patruya di Polis a bin topa cu Chito Dirksz den Visstraat, mesora e agentenan a detene Chito y a pidi pa transportwagen di Polis transporte pa Warda di Polis na Playa p'asina nan por haci mas investigacion.

Un persona herida den accidente di trafico na Caya Juancho Kock



Diadomingo merdia den careda di 1'or pasa Polis y ambulance a bay Caya Juancho Kock altura di Wit Gele Kruis na Dakota. Eynan un accidente di trafico a sosode y tin hende herida.

Na yegada di Polis di Trafico a topa cu dos auto cu bastante daño material. Un di e autonan tabata un Altezza y un otro un Nissan Altima.



N'e sitio nos a compronde cu falta di preferencia tabata motibo di e accidente, momento e Altima a subi e crusada sin duna preferencia.

Polis di Trafico n'e sitio a tuma tur informacion y despues por a mira cu ambulance a sali direccion Hospital cu un di esnan herida.



Laga tur locual cu ta spera mi, ta bunita
Laga tur locual cu mi encontra na caminda ta bunita
Laga tur locual cu ta rondona mi ta bunita
Laga tur locual cu mi ta laga tras keda bunita y laga esaki nan
termina den tur bunitesa
Cu inmenso dolor y tristeza na nos curazon nos ta anuncia
fayecimiento di nos mama, wela, bisawela, y ruman stima:



Sra Viuda Luisa Bertranda Croes-Dubero

Mihor conoci como "Betty"
* 10-10-1938 - † 20-05-2021

Viuda di Sr. Armando Croes

Yiunan Stima:

Armando y Maria Croes-Vrolijk y Famia

Ricky y Valerie Croes-Díaz y Famia

Marian y Norman Tujeehut-Croes y Famia

Ludwina y Victor Ridderstap-Croes y Famia

Jeanine Croes y Oswaldo Freites y Famia

Nietonan:

Rodder y Stacey Croes-Banfield

Carissa y Orlando Lopez y Famia

Kendrick Croes y Famia

Odwin y Juliette Ridderstap-Matos y Famia

Gerson Croes y Maureline Malmberg y Famia

Norrienne y Tharick Wever y Famia

Normaine Tujeehut y Aisha Tromp y Famia

Amanda Croes y Famia

Vittienne Ridderstap

Norenza Tujeehut

Jeannilson Esteba

Jaymison Illes

Manera un nieta: Maricel Vera

Bisanietonan Stima:

Jeanluc, Ciarrh, Caylee, Thylor y Mia, Zivon y Ezra, Sophie y

Zane, Frandrick

Roman y Kayda-Vie, Kiaan

Rumannan Stima:

Aura y Rey Quant y Famia, Carmen De Cuba y Famia

Ruman di Crianza:

Edna Dubero y Famia

Comer: Evelina Hoevertsz

Cuñia Stima:

Libia Lampe y Famia

Swa y cuñanan:

† Efrain y Edwina Croes y Famia, † Betico Croes y Famia, †

Chichia Werleman y Famia, † Adisson Croes y Famia, Hendrick

Croes y Famia, † Aiky Croes y Famia, Fijn Croes y Famia, Rudy

Croes y Famia, † Didi Lopez y Famia, Ada Croes y Famia, †

Tommy Croes y Famia, Mary Henriquez y Famia

Iha Stima:

Alfonso Lampe y Famia

Subrina y Subrinonan y famia, primo y primanan, bisiñanan,

amigonan di cas, comer y compernan, conocinan.

Demas famia: Dubero, Oduber, Croes, Lampe, Quant, De Cuba,

Vrolijk, Díaz, Tujeehut, Ridderstap, Freites, Banfield, Lopez,

Matos, Malmberg, Wever, Tromp, Esteba, Illes, Arcaya, Wathey,

Ras y Hoevertsz

Ta invita pa acto di entierro cual lo tuma lugar na Aurora Funeral

Home diamars 25 di mei 2021 di 2'or pa 4'or di atardi. Despues

lo sali pa Santana Catolico na Sta Cruz

Nos disculpa si den nos tristeza nos por a lubida algun famia of

conocer. Despues di entierro nos no ta ricibi bishita di condolen-

cia na cas. Tur regla di DVG lo ta vigente, uso di tapaboca,

handsanitizer y mantene distancia di 1,5 m.

Situashon ekonómiko di Kòrsou ta rekerí akshon rápido i desisivo!

WILLEMSTAD - Kalkulashonnan resientemente hasí dor di Banko Sentral (CBCS) ta muestra ku na 2020 Kòrsou su ekonomia a krep ku 19.9%. Nos tur sa ku e pandemia di Covid a hinka Kòrsou den un krisis ekonómiko nunca bisto, kaminda hopi negoshi a sera nan porta i hende a pèrde trabou.

CBCS a kalkulá ku desempleo a oumentá te mas ku 24%. E sífranan menshoná lo tabata pió si Gobièrnu no a introdusí e medidanan di sostén, manera entre otro NOW i TVL. A base di sífranan preliminar CBCS ta muestra ku mas ku 34.000 persona a benefisiá di e medidanan di sostén. Sin e medidanan aki, mas negoshi lo a sera nan portanan i e kontrakshon ekonómiko lo tabata mas ku 19.9%. Ku tur probabilidad e medidanan di sostén a evitá tambe un éxodo di nos hendenan pa Hulanda i pone tambe ku e oumento di pobresa bou di nos hendenan tabata menos.

Pues, nos di VBC por konkluí ku e medidanan di sostén a yuda grandemente, pa kual VBC ta hopi gradesido. Mirando ku ainda nos ta den e pandemia, por lo pronto lo tin e nesesidad p'e medidanan di sostén aki. Awor, e pregunta klave ta, ta kon a hasi finansiá e medidanan di sostén aki? Ta di unda e sèn a sali? E kontesta ta masha simpel. E medidanan di sostén aki a wordu finansiá dor di e sostén di likidés ku Kòrsou a haña for di Hulanda den forma di fianza ku interes na 0%. Mirando e krisis ekonómiko ku nos ta den ketu bai, nos mester konkluí ku por lo pronto nos lo tin mester di sostén di likidés.

VBC resientemente a komprondé for di medionan di prensa ku posishon di likidés di nos pais ta deteriorando rápidamente i ku kisas ya pa jüni Gobièrnu lo no por kumpli ku su obligashonnan finansiero. Mas aún, VBC a tuma nota tambe di e karta di Sekretario di Estado sr. Raymond Knops, ku a sali den medionan di komunikashon e siman aki.

Den su karta sr. Knops ta menasá ku ta stòp e sostén di likidés, si Kòrsou no kumpli ku e palabrashonnan hasí. I netamente VBC a splika awor ei, ku basá riba e analisis di CBCS, por lo pronto nos lo tin mester di e sostén di likidés ei, pa evitá lo peor.


Den e kuadro aki VBC a keda kontentu di tende e ekspreshonnan hasí dor di sr. Javier Silvanía, e futuro Minister di Finansa, ku por lo pronto lo sigui papia ku Hulanda i sr. Knops pa por sigui haña e sostén di likidés. Sea ta kana e trayekto di COHO of ta sinta na mesa pa negoshá algu otro ku Hulanda, pero un desishon mester kai hopi rápido. Situashon di nos pais ta pone ku no por pèrde mas tempu.

E Gobièrnu aktual ta demishonario i no ta gosa di sostén di un mayoria den Parlamento. Pues por spera ku e Gobièrnu aktual lo no bai tuma niun akshon nobo pa trese kambio of stimulá nos ekonomia, mirando tambe ku e Gobièrnu Pisas/Larmonie ta suppose di asumí responsabilidad di gobernashon pronto. Tumando tur e puntonan menshoná ariba na konsiderashon i ku nos pais ta den un krisis profundo, ta imperativo pa Kòrsou tin un Gobièrnu ku por tuma desishon i akshon rápidamente. Awor aki Kòrsou no ta sirbí ku un Gobièrnu demishonario.

Ta p'esei VBC ta urgi tur e instanshanan konserní ku ta enkargá ku trabounan di "screening" di e mandatarionan nobo, pa por fabor duna e trabou aki un prioridat haltísimo i hasi nan máksimo esfuerso p'esaki por keda kla mas pronto posibel.

Di e manera ei Kòrsou por tin un Gobièrnu ku ta mishonario atrobe i ku por tuma akshon rápido i desisivo pa saka Kòrsou for di e krisis ku e ta den. VBC ta pará kla pa huntu ku tur otro stakeholder yuda Gobièrnu pensa i traha pa fomentá kresementu ekonómiko i bienestar pa tur hende na Kòrsou, segun **Vereniging Bedrijfsleven Curacao (VBC) den un comunicado di prensa.**

Chauffeur burachi a dal ciclista bou brug di Meiveld



Diabierna atardi den careda di 3'or, Polis a wordo notifica di un accidente entre auto y bicicleta bou di e brug di Watty Vos na Meiveld. Prome informacion a bisa cu e ciclista ta un mucha, pero e ta ok.

Na yegada di Polis di Trafico nan a topa cu e vehiculo un Nissan AD y dilanti dje un bicicleta pega parti dilanti di e auto. Den e auto e chauffeur na stuur a keda sinta, y Polis ora a papia cu ne a nota mesora cu e ta burachi. A pidi'e pa baha y a detene hibe pone sinta den e patruya te ora transportwagen yega.

Pa loke t'e ciclista a resulta cu no tabata trata di un mucha, pero di un homber grandi caba, e no tabata herida, pero a scapa di a keda seriamente herida.

Chauffeur di e Nissan no a controla su velocidad y a yega dal e bicicleta di patras.

Royal Aurora Funeral Home & Crematory

The Lord is my shepherd, I lack nothing.
He makes me lie down in green pastures,
He leads me beside quiet waters,
He refreshes my soul.
He guides me along the right paths,
for his name's sake.
Psalm 23: 1-3

With great sorrow but grateful for everything he did for us, we announce the passing of:



Boldon Sawney

*11-11-1925 – †21-05-2021

Date and place of burial will be announced later.

Royal Aurora Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altisimo, ta hospeda den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2

Cu dolor na nos curason,
nos ta anuncia fayecimento di nos ser stima:



Asteria Faro-Almary

Cariñosamente yama "Stella"
*10-08-1938 - †21-05-2021

Acto di despedida lo wordo anuncia despues

Royal Aurora Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridat
Unicamente Bo Luz briyando

Cu dolor na nos curason, nos ta anuncia fayecimento di no ser stima:



Sra. Gladys Juan Josefina Marin

*27-12-1955 - †21-05-2021

Acto di entierio lo wordo anuncia despues

Royal Aurora Funeral Home & Crematory

"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta anuncia fayecimento di nos ser stima:



Lennox R. Mark

"Paps"

*22-01-1951 Aruba - †11-05-2021 Colombia

Acto di entierio lo wordo anuncia despues

Rest In Peace



For I am persuaded, that neither death, nor life, nor angels, nor principalities, nor powers, nor things present, nor things to come, Nor height, nor depth, nor any other creature, shall be able to separate us from the love of God, which is in Christ Jesus our Lord.

Romans 8 Verses 38 to 39

Cu dolor na nos curason, nos ta fayecimento di nos ser stima:



Melfrim L. Thode

Mihor conoci como "Ferris"
*24-08-1950 - †15-05-2021

Mayornan: †Federico Alberto Thodé
†Rosarita Florentina Thodé – Rosalia
Esposa: Arlyne Bebita Thodé
Yiunan: Louis y Melusha Thodé - Coffie
Francis y Kristle Thodé
Charmie Marie y Ruben Croes
Nietonan: Keanu Thodé
Julia Thodé
Ciandra Thodé
Dariska Thodé
Jonathan Thodé – Coffie
Gabriel Thodé – Coffie
Khanti Croes
Rumanan: Bernardo y Eleonora Soleana
Ramona y Raymond Vornis - Thodé
Erick Thodé
Dinaida y Peter Gram - Thodé
Zoraida y Randal Seferina - Thodé
Lisselle Thodé
Zulma Thodé

Sobrino(a)nan: Jacqueline, Armand y Albert Soleana
Clifford y Gianno Vornis
Elica, Yurishan y Vyrnallies Thodé
Ranasha y Daniel Gram
Darren Seferina
Michelle-Angelo Thodé
Tanisha y Amyr Lourensz
Tante y Tionan na Boneiro y Corsou
Primo y Primanan na Boneiro y Corsou
Tur su bon amigonan demasiado pa menciona y su bon bisinan.
Demas Famianan na Boneiro y Corsou
Danki Special na Radio Victoria 93.1FM y Oasis Cas di Cuido Grandi

Ta invita pa acto di entierro cual lo tuma lugar na Aurora Funeral Home diamars 25 di mei 2021 di 9'or pa 11'or di mainta.
Despues lo sali pa Santana Centraal Sabana Basora.

Nos disculpa si den nos tristeza nos por a lubida algun famia of conocer. Despues di entierro nos no ta ricibi bishita di condolencia na cas. Tur regla di DVG lo ta vigente, uso di tapaboca, handsanitizer y mantene distancia di 1,5 m.



"San Miguel Arcángel, defiéndenos en la batalla
Sé nuestro amparo contra las perversidades y asechanzas del mal".

A fayece cristianamente nos tata, welo, ruman,
omo, subrino, primo, amigo:



Sergio Edwin Tromp
Mihorconoci como Eddy
*7 oktober 1945 Aruba - † 18 mei 2021 Aruba

Mayornan: †Ciriaco Tromp y †Cornelia Tromp-Hoek

Na number di su:
Yiunan: Tatiana Tromp y Roland Hart
Rosalie Ras-Tromp y Giovanni Ras
Ciriaco Tromp y Ruthmila Paskel
Juan Carlos Acuña (jr.) y Andicely Durán

Manerasu Yiu: Nathalie Acuña-Croes y Yhonney Acuña-Briceño

Nieto y nietanan: Tara Ras, Amber Ras, Aiden Tromp

Rumannan: Dominico Everon y familia
†Anna Maria Laclé-Tromp y familia
†Haime Tromp y familia
Rigoberto Tromp y familia
†Frank Tromp y familia
†Ronny Tromp
Ramiro Tromp y familia
Lourdes Akkari-Tromp y familia
Edith Henriquez-Tromp y familia

Tur subrino y subrinanan, primo y primanan, swa y cuñananstima y nan familia.

Suunicotanta: Fabia Perez y famiana Hulanda.
Susubrinastima: Lisette Tromp y familia
Su prima stima: Rosa Irausquin
Mama di suyiunan: Tania Vos-Larmonie y familia
Ex-suegrastima: Sra. Viuda Rosa Larmonie-González

Su bon amigo y amistadnan di cas: Luis Larmonie, Lima Yarzagaray, Ronny Meledez, Nelsi Cardenas, Fabiola Palma, Alexandra Aparicio, Mery Castillo y nan familia.

Demas famianan: Tromp, Hoek, Thomas, Irausquin, Larmonie, Akkari, Baroud, Acuña, Henriquez, Laclé, Croes, Kemp, Hart, Ras, Paskel, Thijzen, Maduro, Raghunath, Geerman, Perez, Vos, Quant, Webb, Everon, Grovell, Velasquez, Kelly, de Cuba, Camacho, Flores, Gomez, Lopez, Paula, Giel, Minguel, Brito, Cardenas, Montaña.

Cas di cuido: Staff y personal CAS DI MACHI.

Un palabra di agradecimento ta bai nasudokter di cas Huisartsen Praktijk v. Trigt, Afdeling Urologie dr. Petronilia y afdeling Oncologie dr. Dullemond y dr. Ladenius.


Demas famia ta invita tur bisiñanan, amistadnan di Casino, amistadnan di Bingo y Catochi, amigonan y conocirnan pa asistina e acto di entierro cual ta tumalugardialuna 24 di mei 2021 na Aurora Funeral Home di 2.00-4.00 pm. y despues lo sigui pa Santana Sabana Basora.

Nos disculpasi den nos tristeza nos por a lubida algun famia of conocer. Despues di entierro nos no ta ricibi bishita di condolencia na cas. Tur regla di DVG lo ta vigente, uso di tapaboca, handsanitizer y mantenedistancia di 1,5 m.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

A bai sosega den brasa di Papa Dios,
companionera, ruman, tanta y amiga stima:



Hyacintho Rafael Morel

mihor conoci como "Faito"
*26-10-1946 † 18-05-2021

Number di su:

Mayornan: †Hose Secondino Morel y †Hipolita Morel - Paesch

Rumannan: †Marina y †Francisco Angela - Morel
†Reinato (Dato) y Catrien Morel - Martin
†Theresita y †Hoze Quant - Morel
Rosarita y †Edison Wiersma - Morel
†Secondino Morel
Francisca y †Jack Hatt - Morel
†Anna y †Hendrik Calmes - Morel
Mario Morel
†Filomena Morel y Edwin Tromp
Anna y Ronnie Cornelie - Morel
†Alfredo y †Lydia Lambertus - Matos
†Bellogracio Everon

Subrino(a)nan: Brigida (Poppy) Angela, Elva Angela, Vera Angela, Efraim Angela, Raymond Angela, Edwina Scholten - Angela, Eldrid Angela, Jacqueline Morel, Francisco (Papito) Morel, Michael Quant, Leticia Quant, Ruthmila Quant, Susanita (Susy) Wiersma, Rosaline Hatt, Vilma Calmes, Victor Calmes, Mario Willems, Raquelita Willems, Nathalie Willems, Rosa De Lima Winklaar, Editha Lopez - Lambertus, Alfredita Matos, Maria Croes, Herman Everon, Irma Everon, Marcia Angela, Eveline Vasquez y Ronnie Everon na Hulanda

Primo y primanan, comer y compernan, ihanan, bisiña, conocirnan, amigonan di Paris Restaurant y On The Rocks y demas famianan Morel, Paesch, Angela, Martin, Quant, Wiersma, Hatt, Calmes, Willems, Cornelie, Lambertus, Everon, Winklaar, Lopez, Matos, Henriquez, Raaz, Ras, Lugo, Wernet, Erasmus, Croes, Van Ierland y demas famia

Acto di entierro lo tuma lugar Diamars 25 Mei 2021 pa 4'or di atardi saliendo for di Misa Pro Cathedral San Francisco y despues pa Santana di Playa
Nos defunto lo ta reposa for di 2'or pa 4'or atardi den Misa Pro Cathedral San Francisco sigi pa respons.

Na lugar di flor of krans un donacion na Wilhelmina Kanker Fonds lo ta altamente aprecia. Lo tin un box disponibel pa e bunita gesto aki.

Nos ta pidi nos disculpa si den nos tristesa nos por a lubida algun persona of familia.
Despues di entierro no lo ricibi bishita di condolencia na cas.

Quinsley Poppen ku tabata involvi den asesinato di un doño di toko pero ta manera tera a guli'e....



...Qinsley Poppen....

....atrako riba turista ta notisia ku sirkulá mundialmente manera kaso dje hoben

WILLEMSTAD. Den sala di Korte a presentá diabierna e 3 hóbennan Aishendel der Meer di 19 aña di edat, Steven Margaretha di 18 aña di edat i Jonathan Rimon di 20 aña di edat. E trio aki dia 24 di febrüari 2021 tabata sintá den un outo, pero na sierto momento shofùr di e outo den kua nan tabata sintá a kore blòkiá un otro outo nan dilanti ku tabata keda manehá pa un turista Aleman.

Na sierto momento, Steven Margaretha i Jonathan Rimon a bula baha for di e vehíkulo ku tabata pèrsigui e turista Aleman i a blòki'é. Nan a obligá e turista pa entregá nan e outo ku tabata di hür serka Sunny Drive Curaçao.

E duo aki a saka un arma di kandela i nan a grita e turista: “Baha abou, baha abou!” Den e outo aki tabatin un Iphone, e suma di 400 florin, un bluetooth box ku earpiece.

Segun deklarashon di e turista Aleman, el a hiba e sustu di su bida i lògikamente el a baha for di e outo, konsiderando ku e ke evitá tur violencia. E akusado Aishendel der Meer no tabata entre esnan ku a atendé ku e turista i kita e vehíkulo di hür for di dje, pues den su kaso no por papia di atrako riba e hòmber Aleman. E dia siguiente, 25 di febrüari 2021, Polisnan a mira e outo ta kore den serkania di aeropuerto Hato i despues di a konsultá ku Warda di Polis, e agentenan polisial a disidí di para e 3 hóbennan aki ku tabata den e vehíkulo sintá.

A konstatá ku Aishendel der Meer tabatin e kantidat di 526 gram di mariwana huntu kuné. Den sala di Korte e hóbennan a ekspresá ku nan tin masha duele di a hasi nan mes kulpabel na e akto kastigabel.

Steven Margaretha a konta ku falta di plaka a pone ku el a kai den e situashon sumamente ferfelu i doloroso aki. El a konta ku e lo preferá di sigui su skol i kaba esaki ku éksito.

Akshon rápido i desisivo!!!

Esei ta loke situashon ekonomiko ta rekeri!!



....Daniel Hodge, presidente di VBC.....

WILLEMSTAD. “.....Situashon ekonómiko di Kòrsou ta rekerí akshon rápido i desisivo!....” Esei te mensahe duru, pero sinsero ku e asosiashon empresarial di Kòrsou a lansa ayera despues di a analisá e kalkulashonnan ku Banko Sentral a hasi resientemente i ku ta musta ku aña pasá Kòrsou su ekonomia a kremp ku 19.9%.

Aworaki Kòrsou no ta sirbí ku un Gobièrnu demishonario. Ta p'esei VBC ta urgi tur e instan-shanan konserní ku ta enkargá

ku trabounan di “screening” di e mandatarionan nobo, pa por fa-bor duna e trabou aki un priori-dat haltísimo i hasi nan máksi-mo esfuerso p'esaki por keda kla mas pronto posibel.

Di e manera ei Kòrsou por tin un Gobièrnu ku ta mishonario atrobe i ku por tuma akshon rá-pido i desisivo pa saka Kòrsou for di e krisis ku e t'den. VBC ta pará kla pa huntu ku tur otro stakeholder yuda Gobièrnu pen-sa i traha pa fomentá kresemen-tu ekonómiko i bienestar pa tur hende na Kòrsou.

Nèt awor ku nos mester más.....

Raymond Knops ta menasa un biaha mas pa sera kranchi di sosten financiero



..Sekretario di Estado Raymond Knops ta menasa Kòrsou seriamente.....

WILLEMSTAD - VBC resientemente a komprondé for di medionan di prensa ku posishon di likidés di nos pais ta deteriorando rápidamente i ku kisas ya pa jùni Gobièrnu lo no por kumpli ku su obligashonnan financiero.

Mas aún, VBC a tuma nota tambe di e karta di Sekretario di Estado sr. Raymond Knops e siman aki kaminda sr. Knops ta menasá ku ta stòp e sostén di likidés, si Kòrsou no kumpli ku e palabrashonnan ku a hasi.

I netamente awor ku basá riba e analisis di Banko Sentral, por lo pronto nos lo tin mester di e sostén di plaka kèsh di Hulanda pa evitá lo pió. Den e kuadro aki VBC a keda kontentu di tende e ekspreshonnan hasí dor di sr. Javier Silvanía, e futuro Minister di Finansa ku por lo pronto lo sigui papia ku Hulanda

i sr. Knops PA POR sigui haña e sostén di likidés.

Sea ta kana e trayekto di COHO of ta sinta na mesa pa negoshá algu otro ku Hulanda, pero un desishon mester kai hopi rápido. Situashon di nos pais ta pone ku no por pèrde mas tempu. E Gobièrnu aktual ta demishonario i no ta gosa di sostén di un mayoria den Parlamento.

Pues por spera ku e Gobièrnu aktual lo no bai tuma niun akshon nobo pa trese cambio of stimulá nos ekonomia, mirando tambe ku e Gobièrnu Pisas/Larmonie ta suppose di asumí responsabilidat di gobernashon pronto. Tumando tur e puntonan menshoná ariba na konsiderashon i ku nos pais ta den un krisis profundo, ta imperativo pa Kòrsou tin un Gobièrnu ku por tuma desishon i akshon rápidamente.

A sentensia duo ku tabata kultiva plantashon di mariwana ku awa i koriente hòrta

WILLEMSTAD - Durante e periodonan 1 di sèptèmber 2019 te ku 23 di òktober 2019, pero tambe di 23 di òktober 2019 i/òf henter e luna menshoná, outoridatnan a deskubrí plantashon di mariwana na e adrès Kabaje naast nr. 27.

Ta trata aki di en total 243 planchi di mata di Cannabis. Esaki naturalmente ta kontra lei di droga. Mas aleu outoridatnan a deskubrí ladronisia di koriente for di e sistema di Aqualectra ya ku a logra pasa un kabel ku 4 waya ku a keda konektá n'e sistema di Aqualectra.

Tabatin ademas un konekshon ilegal n'e red di awa di Aqualectra. Responsabel p'e suseso aki tabata e duo Jeannito Vrutaal di 32 aña di edat i Ketmar Sambo di 29 aña di edat.

Diabierne tabatin tratamentu di e kaso aki den sala di Korte i nan a skucha Fiskal señora mr Eva Bos splika presis loke nan ta akusá di dje.

E akusado Jeannito Vrutaal tabatin pa su defensa abogado mr. J. Prevo, siendo Ketmar Sambo a konta ku asistensia hurídiko di abogado mr. J.Lacle-Jansen.

Fiskal a mostra ku plantashon di mariwana ta kontra lei, sigur si e esei ta ku e propósito pa uza pa droga kurpa. Realmente insólito t'e proseder di konektá na sistema di Aqualectra pa hòrta awa i elektrisidat.

Pa Jeannito Vrutaal e Fiskal a yega na un kondena di 4 luna di prizon, kitando e periodo ku el a pasa den aresto preventivo.

Pa Ketmar Sambo e kastigu a bira 9 luna di prizon. Hues mr. J. Snitker a bai di akuerdo ku e demanda di Fiskal i ta nifiká p'e siudadano Jeannito Vrutaal, ku pronto lo e rekobrará su libertat ya ku el a sinta algun luna kaba durante su periodo den aresto preventivo.



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL